

INUIT ATAQATIGIIT INATSISARTUNI



UKA2021/170

10. november 2021

Charlotte Pike

Imm. 170 Savalimmiuni, Kalaallit Nunaanni Islandimilu Naalakkersuisut nunani ataasiakkaani nunani avannarlerni suleqatigiinnermut naalakkersuisut aqcutigalugit suleqatigiinnermik annertusaaqqullugit Nunat Avannarliit Killiit Siunnersuisoqatigiiffiannit kaammattorneqarput, matumani naalakkersuisut pineqartut minnerpaamik ukiumut ataasiarlutik, Nunat Avannarliit Killiit Siunnersuisoqatigiiffianni kaammattuutitut aalajangersakkanik naalakkersuisunullu qinnuteqaatinik oqallisiginnillutik ataatsimiittarnissartik pillugu isumaqatigiissuteqarlutik, oqaloqatigiittarnikkut, isumassarsianik, ilisimasanik il.il. avitseqatigiittarnikkut suleqatigiinnermik siuarsaallutik.

(Aallartitat siulittaasuat Pipaluk Lynge-Rasmussen)

Nunat Avannarliit Killiit Siunnersuisooqatigiiffianni Siulittaasutsinnut qujallunga Inuit Ataqatigiinniit ima oqaaseqarfigissavarput.

Savalimmiuni, Kalaallit Nunaanni Islandimilu Naalakkersuisut nunani ataasiakkaani suleqatigiinnerulernissamik kaammattuutaat isumalluarfigalugu Inuit Ataqatigiinniit isumaqarpugut aqcutissaalluartoq siunissami nunatut suli qaninnerulernissarput. Tassani minnerpaamik ukiumi ataasiarluni naapeqatigiittarnissaq pingaaruteqartut isigaarput. Assigiinngitsorpassuartigummi ilisimasanik isumassanik oqaloqatigiinnikkut avitseqatigiittarnissaq siuarsaaffiulluarsinnaavoq. Tassami nunat taakku suleqatigut nunatut siuarsimaqaat assigiinngitsorpassuartigullu suleqatigiiffiusinnaasunik peqaqaluni.

INUIT ATAQATIGIIT INATSIARTUNI



Taamatut naatsumik Inuit Ataqatigiinniit oqaaseqarluta Naalakkersuisunut kaammattuut aappassaaneertinnagu suliassanngorlugu ingerlateqqipparput tigulluarneqarnissaanullu kissaassilluta.